



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. II. Solvuntur objectiones,

---

[urn:nbn:de:hbz:466:1-77232](#)

## §. II.

Solvuntur objectiones.

40. **C**ontra primam conclusionem objicunt in Optimis Recentiores plura Scriptura testimonia, quibus odium Deo tribuitur: dicitur enim Ecclesiastici 12. *Altissimum odio habet peccatores.* Malachiae 1. *Esaü odio habui.* Psalmo 5. *Odisti omnes qui operantur iniquitatem.*

Sed facile responderetur, hæc & similia loca, in sensu metaphorico, & de odio impropriè sumpto, & quatenus importat disloquentiam de peccatis, esse intelligenda. Quia ut dicit Augustinus, quando ex verbis Scripturae in sensu litterali acceptis, aliquod sequitur absurdum, illa in sensu metaphorico intelligenda sunt: duplex autem, ut supra ostendimus, sequitur absurdum ex positione odij strictè sumpti in voluntate divina. Primum est, illam ad malum sub ratione mali terminari. Secundum, Deo personam subsistente dislocare: contra illud Sapiens.ii. *Nihil odisti eorum qua fecisti.* Unde D. Thomas loco citato contra Gentes ait, *Non nisi similitudinari dicis, Deum aliquia odio habere.*

41. Objicies secundò: Odis habere aliquem, est velle illi malum, ut malum ejus est: sicut illum amare, est velle illi bonum, ut bonum ejus est: Sed Deus vult peccatori malum, quā malum ejus est: Ergo illum odio habet. Major constat, Minor probatur. Deus vult peccatori pœnam ut pœnam: Sed pœna est malum subjecti cui infligitur: Ergo vult illi malum, quā malum ejus est.

42. Respondeo negando Minorem, ad cuius probationem, distinguo Majorem. Vult illi pœnam, reduplicativè & primariò, nego Majorem: sp̄ecificativè & secundariò, concedo Majorem, & concessa Minori, nego Consequentiam. In pœna enim duplex ratio inventur, nempe quod sit malum subjecto cui infligitur, & quod sit ostensiva & manifestativa justitiae divina, & ad pulchritudinem ordinis universi conducens. Actus ergo voluntatis divina terminatur primariò ad illam sub hac secunda ratione: sub prima verò ex consequenti tantum & secundariò; cùm tamen ut propriè odium esset, primariò illam ut malum deberet respicere. Solutio est D. Thomæ loco citato contra Gentes, & Ferratiensis ibidem.

43. Instabis: Pœna ut manifestativa justitia Dei, & ad pulchritudinem ordinis universi conducens, est quidem bona Deo ut justo, & ut auctoritati universi, non tamen ipsi reprobri cui infligitur, cùm non sit illi utilis, vel delectabilis, ut constat: Ergo quamvis Deus velit illam, ut est ostensiva sua justitiae, & conducens ad pulchritudinem universi, non sequitur quod non velit illam, ut est malum ipsius peccatoris cui infligitur.

44. Respondeo negando Antecedens: Cūm enim Deus sit bonum universale omnium, illud quod est bonum respectu Dei, censetur etiam esse bonum cuiuscumque creaturæ: unde pœna aeterna, ut divina justitia manifestativa, non solum est bona respectu Dei illam infligentis, sed etiam respectu subjecti cui infligitur: non quidem secundum particularem ejus inclinationem quam habet ad bonum proprium, sed secundum universalem inclinationem, quā ut pars universi inclinatur ad bonum auctoris illius. Itaque sicut in partibus corporis distinguuntur solet duplex inclinatio, una particularis ad proprium bonum, alia

Tom. I.

A universalis ad bonum totius, quæ principalior est, ratione cuius manus multoties se periculo, & ictibus, ad vitandum capitum periculum, expavit. Ita in partibus universi, duplex inclinatio solet distinguiri: particularis scilicet & universalis; ut in aqua videre licet, quæ secundum particularem inclinationem deorsum propenderet, secundum universalem autem multoties ascendit, ad vitandum vacuum totius naturæ imminentium. Et corruptio quæ est contraria particuliari inclinationi subjecti corrupti, est connaturalis & conformis universalis inclinationi illius, quia est necessaria ad pulchritudinem & conservacionem universi. Similiter in creaturis & effectibus B Dei, duplex inclinatio debet distinguiri: altera ad bonum particulare, altera ad bonum universale, nempe ad bonum auctoris. Dicimus ergo, quod est pœna quam patitur reprobis, non sit illi bona, juxta particularem inclinationem; est tamen bona & utilis illi, iuxta inclinationem universalem, quia conducit ad bonum auctoris, nempe ad manifestationem justitiae divinae, ad quod per universalem inclinationem propenderet.

Objicies tertio: Si in Deo non esset odium strictè sumptum, maximè quia illud debet terminari ad personam subsistentem, & ad malum sub ratione mali: Sed utrumque est falsum: Ergo ruit precipuum fundamentum nostræ sententiaz. Major constat ex supra dictis: ex hoc enim duplice capite exclusimus odium à voluntate Dei. Minor autem in qua est difficultas, probatur quantum ad utramque partem. Et in primis quod odium non debeat necessariò terminari ad rem ut subsistentem, sic ostenditur. Index v. g. qui propter flagitium aliquem punit ex motivo justitiae, verè & propriè illum odit, & tamen non vult illi pœnam, ex disloquentia ipsius ut homo est, sed quia homo flagitosus est: Ergo ad rationem odij strictè sumpti, non est necessarium quod ex disloquentia persona subsistentis, ut subsistens est, procedat.

Confirmatur: Unus homo alium odio habet, odio strictè & propriè sumpto, & tamen non vult illi malum ut malum, ex disloquentia ipsius quatenus homo est, sed quā ratione est illi inimicus: Ergo idem quod prius.

Quod etiam odium strictè sumptum, non debet terminari ad malum sub ratione mali, quæ est secunda pars minoris principialis, facile suadetur. In voluntate humana datur odium cum proprietate: Sed illud non terminatur ad malum sub ratione mali: Ergo non est de ratione odij strictè sumpti, terminari ad malum sub ratione mali. Major constat, Minor probatur. Cūm enim objectum ad æquatum voluntatis creatæ sit bonum, illa non potest velle aliquid nisi ut subinduit rationem boni, ac prouide omnis ejus actus ad bonum verum vel apparenſ debet terminari.

E Respondeo concessa Majori, negando Minorem, quantum ad utramque partem. Ad probationem primæ, nego Majorem. Sicutenim homo seipsum affligens ex disloquentia proprij peccati, ut de illo pœnitent, non potest cum proprietate dici odio habere seipsum, sed ad summum odio habere peccatum quod cupit non esse; ita nec potest dici, judicem odio habere hominem quem condemnat, sed ad summum illius flagitia: hæc autem cūm res subsistentes non sint, quantum proprium est amari & odio haberi, ut inquit D. Thomas supra relatus, non possunt

PPP ij

45.

46.

## DISPUTATIO SEPTIMA

terminare odium propriè dictum.

Ad confirmationem, concessa Majori, nego Minorem. Nam licet causa displicentiae inimici sit injuria & offensa illata, illa tamen supposita, non solum injuria, sed etiam persona quæ injuriam intulit, displicet offeso, quatenus vellet illam non esse.

**47.** Ad probationem secundæ partis Minoris principialis, concessa Majori, nego Minorem. Ad cujus probationem, dicendum est, quod licet omnis actus voluntatis creare debeat terminari ad bonum, verè vel apparenter conveniens subiecto appetenti, non tamen omnis petit terminari ad bonum conveniens alteri subiecto, sed aliquando fertur ad malum alteri noxiun. Et ita contingit in odio inimicitæ, nam odio habens aliquem, vult illi malum; quia illud quod alteri malum est, sibi ipsi judicat conveniens: unde terminatur ad illud, ut conveniens sibi, & ut alteri disconveniens, nocivum, & malum.

**48.** Contra secundam conclusionem, nullum ponit Suarez argumentum quod sit alicujus ponderis: illud enim quod supponit, & non probat, nempe iram in suo conceptu formaliter solum importare appetitum vindictæ, nec includere ordinem ad tristitiam ab offendente illata, eadem facilitate negatur, quâ assertur; & constat esse falsum in justice, qui cum sedato animo puniat latronem, non propriè illi irascitur, sed solùm exercet actum justitiae vindicativæ. Unde cùm D. Thomas 1. 2. quæst. 47. art. 1. ad 1. ait: *Ira non dicitur in Deo secundum passionem animi, sed secundum judicium justitiae, prout vult vindictam facere de peccato: solum vult, aliquid ad perfectionem pertinens, quod in ira invenitur, nempe voluntatem puniendo peccata, in voluntate Dei reperiiri; non autem adequatam irationem, de cuius conceptu est ordo ad tristitiam ab altero illatam, ut ex eodem S. Doctore jam vidimus.*

## DISPUTATIO VII.

*De Iustitia, & Misericordia Dei.*

*Ad quæst. 21. prima partis.*

**E**X his quæ diximus disputatione prædenti de actibus & affectibus divina voluntatis, facile colligi potest, quænam virtutes affective formaliter in Deo reperiantur. Nam quantum ad hoc observanda est communis regula Theologorum, qui statuunt tanquam certum, eas solum virtutes quæ nullam in suo conceptu, seu ratione formaliter includunt imperfectionem, formaliter Deo competere. Ex quo principio inferunt, virtutes quæ respiciunt alterum, ut superiore, vel æqualem: ut religio, obedientia, pietas, observantia, &c. Vel quæ versantur circa moderationem passionum: ut fortitudo, quæ moderatur timorem; patientia & mansuetudo, quæ habent moderari tristitiam & sevitudinem; & temperantia, quæ circa moderationem delectationum corporearum versatur, formaliter in Deo non reperiiri: quia hujusmodi virtutes in sua ratione formaliter includunt aliquam imperfectionem Deo repugnantem. Restat ergo solum difficultas, an iustitia & misericordia sint in

**A** Deo formaliter, vel tantum eminenter? quam hinc breviter discutiemus & resolvemus.

## ARTICULUS PRIMUS.

*Quæ Iustitia formaliter Deo convenientia?*

**§. I.**

Premittuntur quæ apud omnes sunt certa, & referruntur sententia.

**S**VPPONO primò tanquam certum, iustitiam verè & propriè in Deo reperiiri, abstrahendo pro nunc à speciebus illius, an scilicet illa sit legalis, commutativa, vel distributiva. Nam Deo passim Scriptura concedit attributum iustitiae, officiumque judicandi justè, & reddendi unicuique quod suum est: quod non metaphoricè, sed cum omni proprietate Deus exerget. Unde statim initio Genesis, ubi vulgata versio habet: *In principio creavit Deus cœlum & terram.* Hebreica legit: *In principio creavit Deus Elobim, id est Iudices: quis (inquit Tertullianus) A primordio Creator tam bonus quam & justus. Pariterque utrumque processit. Bonitas ejus operata est mundum, iustitia modulata est.... Iustitia opus est quod inter lucem & tenebras separatio pronuntiata est, inter diem & noctem, inter cœlum & terram, inter aquam superiorum & inferiorem, inter maris cœtum & arida molem, inter luminaria majora & minora, diurna atque nocturna &c. Omnia ut Bonitas concepit, ita Iustitia distinxit.*

D Suppono secundò, iustitiam quæ definitur à Theologis & Iurisperitis: *Virtus jus suum unicuique tribuens, in tres potissimum species dividit: scilicet in legalem, distributivam, & commutativam: omnis enim iustitia propriè dicta est ad alterum, ut docet D. Thomas 2. 2. quæst. 58. art. 2. Triplex autem potest fieri comparatio ad alterum: vel comparando partem ad totum, vel totum ad partem, vel partem ad partem. Si pars ad totum comparetur, est iustitia legalis, quæ habet ordinare hominem ad bonum commune, & imperare ad implectionem legum in ordine ad bonum communitatis: si fiat comparatio totius ad partes, est iustitia distributiva, per quam, vel res publica, vel caput ejus, nomine ipsum, distribuit bona vel poenias, pro mensura & proportione meritorum vel demeritorum. Si fiat comparatio partis ad partem, est iustitia commutativa, quæ scilicet in contractibus, commercijs, & permutationibus, unus civis æqualitatem servat in ordine ad alterum. Legendus est S. Thomas 2. 2. quæst. 61. art. 1.*

E Suppono tertio: Præter tres illas species iustitiae, est alias virtutes ad iustitiam redutivè pertinentes, quæ partes potentiales iustitiae appellari solent; quia imitantur quidem & emuluntur rationem iustitiae, ab ea tamen deficiunt, vel quia non possunt reddere æquale, ut religio, pœnitentia, pietas, & observantia. Vel quia licet possint reddere æquale, non habent tamen rigorosum debitum & legale, sed morale tantum, quod attenditur secundum honestatem aut decentiam, non verò secundum legis obligationem: ut liberalitas, gratitudo, fidelitas, amicitia &c.

F Suppono quartò: Iustitiam saltem legalem in Deo formaliter reperi. Hæc enim, ut docet D. Thomas 2. 2. quæst. 58. art. 6. est in Principe architectonicè, quasi in imperante & dirigente; in subditis autem secundariò, & administrative,